

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

R J E Š E N J E

po Prijavi koncentracije privrednih subjekata
Messer SE & Co. KGaA, Njemačka i DELTA HOLDING d.o.o. Beograd, Srbija

Sarajevo,
august, 2024. godine



Broj: UP-02-26-1-040-17/23
Sarajevo, 01.08.2024. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po zajedničkoj Prijavi koncentracije privrednih subjekata Messer SE & Co. KGaA, Messer-Platz 1, D-65812 Bad Soden am Taunus, Njemačka i DELTA HOLDING d.o.o. Beograd, Vladimira Popovića 8A, Beograd, Srbija koja se odnosi na sticanje udjela od strane Messera u privrednom subjektu Resity Technologies d.o.o. Beograd-Novi Beograd, Vladimira Popovića 8A, Beograd, Srbija zaprimljenoj dana 05.12.2023. godine pod brojem: UP-02-26-1-040-1/23, na 11. (jedanaestoj) sjednici održanoj dana 01.08.2024. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanje IT usluga u Bosni i Hercegovini koja će nastati sticanjem kontrole privrednog subjekta Messer SE & Co. KGaA, Messer-Platz 1, D-65812 Bad Soden am Taunus, Njemačka u privrednom subjektu Resity Technologies d.o.o. Beograd-Novi Beograd, Vladimira Popovića 8A, Beograd, Srbija, kupovinom (..)**¹ % udjela.
2. Obavezuju se privredni subjekti Messer SE & Co. KGaA, Messer-Platz 1, D-65812 Bad Soden am Taunus, Njemačka i DELTA HOLDING d.o.o. Beograd, Vladimira Popovića 8A, Beograd, Srbija da uplate administrativnu taksu u iznosu od 5.000,00 KM (pethiljada konvertibilnih maraka) u korist Budžeta institucija Bosne i Hercegovine, koju su dužni platiti prije ili prilikom preuzimanja ovog rješenja.
3. Ovo Rješenje o koncentraciji se upisuje u Registar koncentracija.
4. Ovo Rješenje će biti objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 05.12.2023. godine pod brojem: UP-02-26-1-040-1/23, putem Zajedničke advokatske kancelarije Olodar Prebanić i Arela Jusufbašić-Goloman, Maršal Tita 28, 71 000 Sarajevo, zaprimilo zajedničku Prijavu koncentracije privrednih subjekata Messer SE & Co. KGaA, Messer-Platz 1, D-65812 Bad Soden am Taunus, Njemačka i DELTA HOLDING d.o.o. Beograd, Vladimira Popovića 8A, Beograd, Srbija (u daljem tekstu: Messer, DELTA HOLDING ili Podnosioci prijave) koja se odnosi na sticanje (..)**% udjela od strane Messera u privrednom subjektu Resity Technologies d.o.o. Beograd-Novi Beograd, Vladimira Popovića 8A, Beograd, Srbija (u daljem tekstu: „Resity Technologies“ ili „Ciljno Društvo“).

¹ podaci predstavljaju poslovnu tajnu u smislu člana 38. Zakona o konkurenciji

Podnosioci prijave su Prijavu samoinicijativno dopunili dana 06.02.2024. godine podneskom koji je zaprimljen pod brojem: UP-02-26-1-040-2/23.

Obzirom da je utvrđeno da Prijava nije bila potpuna, u smislu člana 30. Zakona o konkurenciji (u daljem tekstu: Zakon) i čl. 9., 10., 11. i 12. Odluke o načinu podnošenja prijave i kriterija za ocjenu koncentracije privrednih subjekata („Službeni glasnik BiH“, broj 34/10), zatražena je dopuna dana 14.02.2024. godine aktom broj: UP-02-26-1-040-3/23.

Zahtjev za produženjem roka za dostavljanjem traženog Podnosioci prijave su uputili dana 22.02.2024. godine koju je Konkurencijsko vijeće ocijenilo opravdanim te traženo odobrilo dana 26.02.2024 godine (podnesak broj: UP-02-26-1-040-4/23 i akt broj: UP-02-26-1-040-5/23).

Podnosioci prijave su Prijavu dopunili dana 08.03.2024. godine podneskom sa priložima koji je zaprimljen pod brojem: UP-02-26-1-040-6/23.

Urgencije za postupanje su dostavljene dana 15.04.2024. godine, 11.06.2024. godine i 03.07.2024.godine.

Konkurencijsko vijeće je naknadno zahtjev za dopunom prijave zatražio dana 03.07.2024. godine aktom broj: UP-02-26-1-040-9/23 nakon koje je su Podnosioci prijave dopunu dostavili dana 11.07.2024. godine i dana 25.07.2024. godine (podnesak broj: UP-02-26-1-040-13/23 i broj: UP-02-26-1-040-14/23).

Konkurencijsko vijeće je, u skladu sa članom 16. stav (4) Zakona, izdalo Obavještenje o dostavljenoj Prijavi broj: UP-02-26-1-040-11/23 dana 09.07.2024. godine, koje je u dnevničkim novinama Dnevni list objavljeno dana 10.07.2024. godine, i pozvalo sve zainteresovane strane na dostavljanje pisanih komentara o namjeravanoj koncentraciji.

Na predmetno Obavještenje nisu dostavljeni komentari zainteresovanih strana.

Po prijemu tražene dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 01.08.2024. godine pod brojem: UP-02-26-1-040-15/23.

Konkurencijsko vijeće iz analizom Prijave je utvrdilo slijedeće činjenice:

Prijava je podnesena, u smislu člana 16. stav (1) Zakona, obzirom da je pravni osnov predmetne koncentracije (..)** zaključen dana (..)**.

Podnosilac prijave je naveo, u smislu člana 30. stav (2) Zakona, da predmetnu koncentraciju ima namjeru prijaviti organima nadležnim za konkurenciju u (..)**.

1. Učesnici koncentracije

Učesnici koncentracije su privredni subjekt Messer SE & Co. KGaA, Messer-Platz 1, D-65812 Bad Soden am Taunus, Njemačka, DELTA HOLDING d.o.o. Beograd, Vladimira Popovića 8A, Beograd, Srbija i Resity Technologies d.o.o. Beograd-Novi Beograd, Vladimira Popovića 8A, Beograd, Srbija.

1.1. Podnosioci prijave Messer SE & Co. KGaA i DELTA HOLDING d.o.o. Beograd

Podnosioci prijave su privredni subjekt Messer SE & Co. KGaA, Messer-Platz 1, D-65812 Bad Soden am Taunus, Njemačka i DELTA HOLDING d.o.o. Beograd, Vladimira Popovića 8A, Beograd, Srbija.

1.1.1. Privredni subjekt Messer SE & Co. KGaA

Privredni subjekt Messer SE & Co. KGaA, Messer-Platz 1, D-65812 Bad Soden am Taunus, Njemačka, koji je dio Messer grupe društava (u daljem tekstu: „Messer Grupa“), registrovan je pri Trgovinskom registru Osnovnog suda u Frankfurtu na Majni pod registarskim brojem HRB 123982.

Messer je, kroz Messer Holding GmbH, Messer-Platz 1, 65812 Bad Soden, Njemačka, pod kontrolom i u indirektnom (..)***% vlasništvu Messer Industrie GmbH, Messer-Platz 1, 65812 Bad Soden, Njemačka, u kojem je Messer porodica grupisala svoje poslovanje industrijskih gasova.

Pretežna registrovana djelatnost privrednog subjekta Messer je proizvodnja i distribucija industrijskih, specijalnih i medicinskih gasova.

Messer Grupa proizvodi i snabdijeva potrošače kisikom, azotom, argonom, ugljen-dioksidom, vodonikom, helijumom, zaštitnim gasovima, specijalizovanim gasovima, medicinskim gasovima i širokim spektrom gasnih smješa. Proizvodi Messer Grupe imaju široku primjenu u industriji čelika i metala, hemijskoj industriji, prehrambenoj industriji i farmaceutskoj industriji, automobilskoj i elektronskoj industriji, medicini, istraživanju i tehnologiji zaštite životne sredine.

Messer Grupa ima svoja operativna postrojenja u preko 30 zemalja. Messer je, kroz Messer Holding GmbH, indirektno u potpunom vlasništvu i pod kontrolom Messer Industrie GmbH, u kojem je porodica Messer grupisala svoje poslovanje industrijskih gasova.

Uz aktivnosti Messer Grupe u oblasti industrijskih gasova, Messer porodica ima udio u MIG Holding GmbH, Messer-Platz 1, 65812 Bad Soden, Njemačka, registrovan pri Općinskom sudu u Königstein im Taunus pod registarskim brojem HRB 6413, koje je aktivno kroz razna zavisna društva u oblastima mašinskog i fabričkog inženjeringa i kućne njege (homecare).

Messer Grupa ne posluje i ne posjeduje nijedno zavisno društvo koje posluje na istom tržištu kao Resity Technologies.

Messer Grupa ostvaruje određeni prihod u Bosni i Hercegovini na drugim tržištima preko svojih zavisnih društava.

1.1.1.1. Meser grupa u Bosni i Hercegovini

Messer Grupa je prisutna na teritoriji Bosne i Hercegovine preko 4 povezana društva:

- "PLIN SARAJEVO" d.d. za proizvodnju, promet i distribuciju tehničkih plinova i inženjering Sarajevo, Rajlovačka bb, Sarajevo, Bosna i Hercegovina, registrovan na Općinskom sudu u Sarajevu sa matičnim brojem 65-02-0009-10 (u daljem tekstu: "PLIN SARAJEVO");

Pretežna registrovana djelatnost privrednog subjekta PLIN SARAJEVO je proizvodnja, transport i distribucija tehničkih gasova u Bosni i Hercegovini.

- Messer Tehnoplín preduzeće za proizvodnju, promet i distribuciju tehničkih i medicinskih plinova i pripadajuće opreme i inženjering usluge d.o.o., Rajlovačka bb, Sarajevo, Bosna i Hercegovina, registrovan na Općinskom sudu u Sarajevu sa matičnim brojem 65-01-0429-11 (u daljem tekstu: "MesserTehnoplín");

Pretežna registrovana djelatnost privrednog subjekta MesserTehnoplina je proizvodnja, trgovina i distribucija tehničkih i medicinskih gasova i prateće opreme i inženjerskih usluga u Bosni i Hercegovini.

- "Messer BH Gas" d.o.o. za proizvodnju i promet industrijskim i medicinskim gasovima i pratećom opremom, Poslovna zona 14, Sočkovac, Petrovo, Bosna i Hercegovina, registrovan na Okružnom privrednom sudu Doboj sa matičnim brojem 60-01-0019-17 (u daljem tekstu: "Messer BH Gas");

Pretežna registrovana djelatnost privrednog subjekta Messer BH Gas je proizvodnja i promet industrijskih i medicinskih gasova i srodne opreme u Bosni i Hercegovini.

- MESSER MOSTAR PLIN d.o.o. Mostar Rodoč bb, Mostar, Bosna i Hercegovina, registrovan na Općinskom sudu u Mostaru sa matičnim brojem 1-9271 (u daljem tekstu: "MESSER MOSTAR PLIN").

Pretežna registrovana djelatnost privrednog subjekta MESSER MOSTAR GAS je proizvodnja tehničkih gasova u Bosni i Hercegovini. Društvo također ima benzinsku pumpu u Mostaru gdje se nalazi i magacin i prodajni centar.

1.1.2. Privredni subjekt DELTA HOLDING d.o.o. Beograd

Delta Holding je prema podacima iz Izvoda o registraciji privrednog subjekta Republike Srbije osnovan 10.01.1997. godine pod brojem 171567300. Matično je društvo Delta Holding Grupe društava (u daljem tekstu „Delta Holding Grupa“) koju, pored Delta Holdinga, čini preko (..)** privrednih društava koji se bave poljoprivrednom proizvodnjom, proizvodnjom hrane, izvozom, uvozom, zastupanjem stranih društava, distribucijom robe široke potrošnje, prodajom automobila i hotelijerstvom, razvojem nekretnina i razvojem novih tehnologija.

Delta Holding Grupa nije prisutna niti ostvaruje prihod ni na jednom potencijalnom relevantnom tržištu u Bosni i Hercegovini.

Pretežne registrovane djelatnosti Delta Holdinga su računovodstvo, knjigovodstvo, revizija i poresko savjetovanje.

Delta Holding je u vlasništvu sljedećih pravnih lica: (..)**

Delta Holding Grupa svoje poslovanje ostvaruje putem pet organizacionih cjelina (segmenata, divizija): Delta Agrar, Delta Good Processing, Delta Real Estate, Delta Distribucija i Nove tehnologije.

Delta Holding Grupa ne posluje i ne posjeduje nijedno zavisno društvo koje posluje na istom tržištu kao Resity Technologies. Delta Holding posjeduje interno IT odjeljenje, koje služi kao interna podrška. Glavni primaoci IT usluga Delta Holdinga su članovi Delta Holding Grupe.

Delta Holding ostvaruje prihod u Bosni i Hercegovini na drugim tržištima preko svojih zavisnih društava.

1.1.2.1. Delta Holding u Bosni i Hercegovini

Delta Holding Grupa je prisutna na teritoriji Bosne i Hercegovine preko 4 povezana društva:

- STANDARD NEKRETNINE D.D. Sarajevo Džemala Bijedića 182, Sarajevo Bosna i Hercegovina, registrovan na Općinskom sudu u Sarajevu sa matičnim brojem 65-02-0036-11 (u daljem tekstu: "STANDARD NEKRETNINE");

Pretežna registrovana djelatnost privrednog subjekta STANDARD NEKRETNINE je je izgradnja stambenih i nestambenih objekata u Bosni i Hercegovini. U prethodnom periodu nije bilo poslovnih aktivnosti društva.

- DELTA REAL ESTATE d.o.o. Banja Luka, Bulevar Srpske Vojske 8, Banja Luka, Bosna i Hercegovina, registrovan na Okružnom privrednom sudu u Banja Luci pod matičnim brojem 71-01-0010-08 (u daljem tekstu: "DELTA REAL ESTATE ");

Pretežna registrovana djelatnost privrednog subjekta DELTA REAL ESTATE BL je u upravljanje najvećim šoping centrom na prostoru Republike Srpske, Delta Planet Banja Luka. Društvo prihode ostvaruje po osnovu davanja u zakup lokala u okviru šoping centra Delta Planet Banja Luka koji je otvoren početkom 2019. godine.

- DELTA TRANSPORTNI SISTEM - D.T.S. d.o.o. Banja Luka, ul. Grčka 17, Banja Luka, Bosna i Hercegovina, registrovan na Okružnom privrednom sudu u Banja Luci pod matičnim brojem 57-01-0027-16 (u daljem tekstu: "DTS BL");

Pretežna registrovana djelatnost privrednog subjekta DTS BL je pružanje usluga domaćeg i međunarodnog transporta (avio, kontejnerski i zbirni transport, transport merkantilne robe), špedicije i carinskog posredovanja, upravlja i osmišljava čitav logistički lanac što obuhvata i skladištenje i manipulaciju robom.

- DELTA AGRAR d.o.o. Laktaši, Svetosavska 79, Glamočani, Laktaši, Bosna i Hercegovina registrovan na Okružnom privrednom sudu u Banja Luci pod matičnim brojem 1-14758-00 (u daljem tekstu: "DELTA AGRAR Laktaši").

Pretežna registrovana djelatnost privrednog subjekta DELTA AGRAR Laktaši je trgovina na veliko mlijekom, mliječnim proizvodima, jajima, jestivim uljima i mastima. Društvo je distributer u BIH poljoprivrednim proizvodima, većinski robom koju proizvodi i kojom trguje Delta Agrar d.o.o. Beograd.

1.2. Ciljano društvo

Resity Technologies je povezano društvo privrednog subjekta Delta Holdinga, osnovano 20.03.2020. godine pod brojem: 21571148, sa sljedećim vlasničkim udjelima: Delta Holding (**%), Messer 0%, (**) (%) i (**) i (**) sa po (**)%.

Nakon provedene transakcije doći će do promjene u vlasničkoj strukturi na način da će Delta Holding imati udio od (**) i Messer (**) dok će (**) zadržati udio od (**) kao i (**) i (**) sa po (**) .

Resity Technologies je osnovan kako bi nudio međuindustrijsku podršku za više SAP modula i platformi, podržavajući uglavnom kupce u Evropskoj Uniji, sa visokokvalifikovanim SAP stručnjacima i mlađim SAP konsultantima, prilagodene njihovim potrebama.

Oblast ekspertize pokriva različite SAP module kao što su S/4HANA, SAP cloud tehnologije i rješenja u različitim industrijama. Kontinuirani razvoj kroz SAP akademiju društva obezbjeđuje obuke, obrazovanje i SAP certifikaciju za konsultante, angažovanje na različitim projektima, što obezbjeđuje znanje i stručnost koji su potrebni za pravilno rješavanje potreba partnera.

U 2023. godini, u okviru procesa restrukturiranja unutar grupe, Resity Technologies je stekao (..)**% udjela u Spectrum Solutions d.o.o. Zagreb, Ulica Grada Vukovara br. 284, Hrvatska, registrovan u Privrednom Registru u Zagrebu sa matičnim brojem: 081368822, sa registrovanom osnovnom djelatnošću: računarsko programiranje (u daljem tekstu:"Spectrum Solutions").

Spectrum Solutions je registrovan 21.04.2021. godine sa sjedištem u Zagrebu i sa šifrom osnovne djelatnosti 6201 (Računarsko programiranje). Oblast ekspertize pokriva projektovanje računarskih sistema i prateće usluge, profesionalne, naučne i tehničke usluge, usluge kompjuterskog programiranja po mjeri.

Pretežna registrovana djelatnost privrenog subjekta Resity Technologies je pružanje profesionalnih konsultantskih usluga SAP-a.

Resity Technologies nema prisustvo na tržištu u Bosni i Hercegovini, ne posjeduje nijedno zavisno društvo i ne ostvaruje prihod u Bosni i Hercegovini.

1.2.1. Resity Technologies u Bosni i Hercegovini

Resity Technologies ne posjeduje nijedno zavisno društvo u Bosni i Hercegovini.

2. Obaveza prijave predmetne koncentracije

Obaveza prijave koncentracije privrednih subjekata, u smislu člana 14. stav (1) tačka b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije i njihovih povezanih privrednih subjekata, na dan 31.12.2022. godine iznosio je:

Tabela 1.

Ukupan godišnji prihod 2022			
	Messer	Delta Holding	Resity Technologies
	milioni KM	milioni KM	KM
Svijet	(..)**	(..)**	(..)**
BiH	(..)**	(..)**	(..)**

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

S obzirom da su se ispunili uslovi ukupnog godišnjeg prihoda, u smislu člana 14. stav (1) tačka a) Zakona, privredni subjekti učesnici koncentracije su obavezni podnijeti Prijavu.

3. Pravni okvir ocjene koncentracije

Konkurencijsko vijeće je u provedbi postupka ocjene predmetnih koncentracija primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10), Odluke o načinu podnošenja prijave i kriterijima za ocjenu koncentracija privrednih

subjekata („Službeni glasnik BiH“, broj 34/10), te Zakon o upravnom postupku („Službeni glasnik BiH“, br. 29/02, 12/04, 88/07, 93/07 i 41/13).

Konkurencijsko vijeće može, na osnovu člana 43. stav (7) Zakona, koristiti sudsku praksu Evropskog suda i odluke Evropske komisije, kao i kriterije i standarde iz Obavijesti Evropske komisije o izračunavanju ukupnog prihoda u skladu sa Uredbom Vijeća (EZ) broj 4046/89 o kontroli koncentracija privrednih subjekata (98/C 66/04).

4. Pravni osnov i oblik koncentracije

Prijava koncentracije privrednih subjekata Messer SE & Co. KGaA i DELTA HOLDING d.o.o. Beograd se odnosi na sticanje (...)**% udjela od strane Messera u privrednom subjektu Resity Technologies d.o.o. Beograd.

Prije sprovođenja Transakcije, DELTA HOLDING je imala (...)**% udjela i vršila pojedinačnu kontrolu nad privrednim subjektom Resity Technologies što podrazumijeva da DELTA HOLDING samostalno može donositi sve odluke važne za poslovanje Resity Technologies, uključujući strateške poslovne odluke te u tom smislu jedina/samostalno vrši kontrolu nad Resity Technologies.

Nakon sprovođenja Transakcije, Messer će imati (...)** % udjela, a udio Delta Holding će biti smanjen na (...)**%.

Putem prava veta, ne samo Delta Holding (kao većinski član) već i Messer (kao manjinski član) će zajednički vršiti kontrolu nad Resity Technologies, što će dovesti do promjene iz pojedinačne kontrole Delta Holdinga u zajedničku kontrolu Messera i Delta Holdinga u društvu Resity Technologies.

Nakon sprovođenja Transakcije, Messer i Delta Holding će vršiti zajedničku kontrolu nad Resity Technologies, dok ostali članovi (i) (...)**, (ii) (...)** i (iii) (...)** neće imati prava kontrole.

Messer i Delta Holding su (...)** godine potpisali (...)**

Slijedom navedenog, pravni oblik koncentracije, prema navodima iz Prijave, predstavlja sticanje kontrole ili dominantnog utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to na drugi način, u skladu sa odredbama zakona koji regulišu osnivanje privrednih subjekata i njihovo upravljanje, u smislu člana 12. stav (1) tačka b) pod 3) Zakona kao i člana 12. stav (2) Zakona.

5. Relevantno tržište

Relevantno tržište koncentracije, u smislu člana 3. Zakona o konkurenciji, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili

dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Prema navodima iz Prijave Podnosioci prijave smatraju da nije potrebno konačno definisati relevantno tržište, kako proizvoda tako i u geografskom smislu, te isto može ostati otvoreno, imajući u vidu da Transakcija neće imati efekta na tržište Bosne i Hercegovine jer Podnosioci prijave nisu prisutni ni na jednom potencijalnom relevantnom tržištu u Bosni i Hercegovini, dok Resity Technologies nema prisustvo na tržištu u Bosni i Hercegovini.

Podnosioci prijave ipak, radi sveobuhvatnosti Prijave, imajući u vidu da se Transakcija odnosi na tržište konsultantskih usluga SAP-a koje pruža Ciljno Društvo, smatraju da bi se relevantno tržište proizvoda moglo definisati kao tržište pružanje IT usluga, kao dio tržišta IT sektora.

Pružanje IT usluga obuhvata održavanje hardvera, održavanje i podršku softvera, konsalting, razvoj i integraciju, usluge IT menadžmenta, usluge poslovnog upravljanja i obrazovanje i obuku.

Imajući u vidu nadležnost Konkurencijskog vijeća za ocjenjivanje konkurencija na teritoriji Bosne i Hercegovine, Podnosioci prijave smatraju da se relevantno geografsko tržište pružanje IT usluga može definisati na nacionalnom nivou, odnosno kao teritorija Bosne i Hercegovine.

U tom smislu relevantno tržište predmetne koncentracije predstavlja tržište pružanja IT usluga u Bosni i Hercegovini.

6. Ocjena koncentracije

Resity Technologies je povezano društvo privrednog subjekta Delta Holdinga u kojem je vlasnički udio od (..)**% prilikom osnivanja imao privredni subjekt Delta Holding (preostale vlasničke udjele imaju (..)** sa (..)**% i (..)** i (..)** sa po (..)**%) dok istovremeno sticalac Messer nije imao udjela. Nakon provedene transakcije doći će do promjene u vlasničkoj strukturi na način da će Delta Holding imati udio od (..)**%, a Messer (..)**% (dok će (..)** zadržati udio od (..)**% kao i (..)** i (..)** sa po (..)**%).

Pravni oblik koncentracije predstavlja sticanje kontrole ili dominantnog utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata na drugi način, u skladu sa odredbama zakona koji regulišu osnivanje privrednih subjekata i njihovo upravljanje, u smislu člana 12. stav (1) tačka b) pod 3) Zakona i kao i člana 12. stav (2) Zakona .

Prema navodima iz spisa, predmetna koncentracija neće imati efekta na tržište Bosne i Hercegovine jer Podnosioci prijave nisu prisutni na definisanom relevantnom tržištu pružanja IT usluga u Bosni i Hercegovini obzirom da su njihovi povezani privredni subjekti registrovani za obavljanje određenih drugih djelatnosti (proizvodnja, transport i distribucija tehničkih i/ili medicinskih gasova, odnosno izgradnju stambenih i nestambenih objekata / pružanja usluga domaćeg i međunarodnog transporta / trgovina na veliko mlijekom, mliječnim proizvodima, jajima, jestivim uljima i mastima) dok Resity Technologies nije uopšte prisutan na tržištu u Bosni i Hercegovini.

Konkurencijsko vijeće je ocijenilo da neće doći do narušavanja tržišne konkurencije, odnosno stvaranja ili jačanja dominantne pozicije učesnika koncentracije jer nema preklapanja poslovnih aktivnosti Messer Grupe i Delta Holding Grupe u Bosni i Hercegovini.

Slijedom navedenog, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona.

7. Administrativna taksa

Podnosioci prijave na na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih такси u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) su dužni platiti administrativnu taksu u ukupnom iznosu od 5.000,000 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

Ivo Jerkić